

PER OCTAVAM S. CATHARINÆ VIRG. ET MARTYRIS.

Ad Magnificat vel ad Memoriam, Antiphona Ave Virginum gemma., V. Diffusa est., Oratio Deus, qui dedisti Legem Móysi., ut in die.

DIE XXVI. NOVEMBRIS.

S. ANDREÆ AVELLINI CONFESSORIS.

DUPLEX.

Oratio.

DEUS, qui in corde beáti Andréæ Confessoris tui, per árduum quotidie in virtútibus proficiéndi votum, admirábiles ad te ascensiónes disposuisti : concéde nobis, ipsíus méritis et intercessióne, ita ejúsdem grátiae participes fieri ☩ ut, perfectióra semper exsequéntes, ad glóriæ tuæ fastígium feliciter perducámur : Per.

DIE XXVII. NOVEMBRIS.

B. MARGARITÆ DE SABAUDIA VIDUÆ ORD. PRÆD.

DUPLEX.

Oratio.

DEUS, qui beátam Margarítam a sæculi pompa ad húmitem tuæ Crucis sequélam toto corde transíre docuisti : concéde ut ejus méritis et exémplo discámus peritúras mundi calcáre delicias ☩ et in ampléxu tuæ Crucis ómnia nobis adversántia superáre : Qui vivis.

In j. Vesperis Memoria SS. Vitalis et Agricolæ Mm.

Oratio.

DA, quæsumus omnipotens Deus : ut, qui beatórum Mátyrum tuórum Vitális et Agricolæ solémnia cólimus ☩ eórum apud te intercessiónibus adjuvémur : Per.

DIE XXIX. NOVEMBRIS.

B. JACOBI DE BENEFACTIS E. C. ORD. PRÆD.

DUPLEX.

Oratio.

DEUS, qui beáto Jacóbo, Confessóri tuo atque Pontífici, ómnia boni pastóris múnia fidéliter explére tribuisti : ejus intercessióne nobis concéde ut per viam mandatórum tuórum gradiéntes ☩ inter oves páscuæ tuæ perpétuo collocári mereámur : Per.